



Ivalo Lyberths tale i anledning af Grønlands nationaldag

Taler

Ivalo Lyberth
Forkvinde for det grønlandske kor
"Arsarnerit Aalborg"

Dato

21. juni 2025

Sted

Aalborg Zoo, Mølleparkvej 63,
9000 Aalborg

1 Ivalo Lyberthip oqalugiaataa Kalaallit Nunaanni ullortarsuarmut atatillugu

5 Haluukkut Ivalo-mik ateqarpunga, siullertut qujanarusuppunga peqatigiiffik erinarsoqatigiit

Arsarnerit Aalborg sinnerlugu oqaaseqarnissannut periarfissinneqarsimagama.

10 Inuiattut ullorsiortarneq 21.juni 1979 aallarnerfigalugu nalliuttorsiorfittut pingaaruteqartutut atugarilersimavarput.

Tassami ulloq taanna kalaallit nunaanni inuiattut namminersornerulernermik angusaqarfiusimammat.

15 Inuiattut kinaassuserput INUK/INUIT qangaaniit taajuutigaarput, siulittami inooriaaseq ilungersornarsinnaasimaqisoq atugarisimagaluarlugu ataqatigiinneq ikioqatigiissinnaanerlu pingaartitarisimavaat, uagutsinnnullu aamma taanna ingerlateqqissimallugu. Maannamullu nunarsuarmi sumiikkaluaruttaluunniit tamanna attarparput, soorlu aamma maani danmark-imi kalaallinik
20 ataatsimoorfeqartarneq takussaajuarluni.

Nunarput Kalaallit Nunaat ukiuni kingullerni assorujussuaq nunanit tamalaaniit soqutigineqaleraluttuinnarpoq, tassanilu erserpoq qanoq ataqatigiinneq ikioqatigiissinnaanerlu pingaaruteqartiginersut.

25

Taamaammat inuiattut ullorsiortarnerput nuannisaarfigilluarlugulu kultur-erput kinaassuserpullu inuiannut allanut aammalumi kinguaatsinnut maani nunaqalersimasunut sumiikkaluartunulluunniit ingerlateqqittuartigit.

Maani Aalborg-imi peqatigiiffinniit kalaallinik naapeqatigiitsisarnerit susassaqtitsisarnerillu ikigisassaanneqaat, tamannalu anguneqarsinnasarpog suleqatigiinnikkut.

- 35 Taamaammat uagut Arsarnerit Aalborg-imiit Kalaallit Illuutaat Aalborg-imiittoq suleqatigilluartarneranut qujaffigerusupparput, taannaammammi illoq kikkuugaluartuniit iserfigineqarsinnaajuartoq.

- 40 Qujavuguttaaq Lindholm sogn sungiusartarfissaqartillutalu sammisassaqarnernut inissaqartittarmatigut.

Aammalu peqatigiiffiit maani Aalborg-imi Århus-imilu suleqatigisartakkagut qujaffigerusuppaguttaaq. Ataatsimoorneq qaqitseqatigiinneq nukittorsaatiguartarneri angusatsinnut ataatsimoorsussanut takussutaasarpog.

45

Aammattaaq naatsumik eqqaalaarusuppara ukioq manna ukiut 40-it qaangiussimalermata nunarput nammineq erfalasoqalermat. Taannalu tulluusimaarutigalugu nunarsuarmioqatitsinnut saqqumilaaraluttuinnarnera najoqqutaralugu kultur-erput eriagisassatut tullitsinnut ingerlateqqikkigitu, taakkuuppummi akisussaaffimmi annertoqisumik tiguisissat.

50

Naggataatigut eqqaalaarusuppara sooq uagutsinnut Danmark-imi najugaqalersimagaluarluta ulloq taanna qanoq pingaartitsigisarneripput.

- 55 Kalaallit Nunaat, ilaquttagut, ikinngutigut nunaqqatigullu qimallugit Danmark-imut nuunnikuuvugut, kisiannili kinaassuserput/kalaaliussuserput attattuarnissaa pingaartitarivarput.

- 60 Aammalu nunarsuarmioqatitsinniit immikkuullarissutut inooriaaseqaratta immitsinnut kultur-erpullu salliuttuarpagut. Ullorlu taanna kalaalerpasuit maani ilisarimalersimasagut ataatsimooqatigissallugit nuannarisuulluarlugu, taamaammat ileqqutoqqagut, kalaaliminertuunnerit erinarsuataarnerit qittannerillu ulloq taanna sammilluartaarpagut.

- 65 Ullumikkut maani najuuttut aammalu nunarsuarmi sumiikkaluartulluunniit qamannga pisumit ullorsiornitsinni pilluaqqungaarpassi, neriuppunga tamatta ulloq atorluarumaaripput.

Kilde

Manuskript modtaget fra taler og udgivet af Danske Taler med tilladelse fra taler

70

Kildetype

Digitalt manuskript

Tags

Festtale

75

URI

<https://www.dansketaler.dk/tale/ivalo-lyberths-tale-i-anledning-af-gronlands-nationaldag-2025>

80

85

90

95

100

105